



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VII. Drogo Episcopus Metensis, olim sacri Palatij Archicapellanus sub Ludovico Pio, vicariatum apostolicæ sedis per Gallias obtinet à Sergio secundo. Explicantur capita auctoritatis illi concessæ.

**urn:nbn:de:hbz:466:1-15617**

peres & inopes accedebant ad provincias, repente divites facti, eas statim deponerent, adeo ut non ob aliud venisse viderentur, ut innuit Ivo Carnotensis, quam ut provinciam raptarent sub umbra legationis. Nam sicut torrentes cum hybernis aut fortuitis imbris intumuere, cuncta objecta rapiunt, domos subruunt, arbores ebellunt, & circumpositum latè vastum agrum, sic isti Romani, velut aliquod flumen torrens, quod de veteribus Romanis dicebat Arnobius, data hac ditescendi occasione cunctas submergebant atque obruebant nationes. Hinc tot graves & justæ provincialium querelæ; que tandem extorserunt Innocentij III. constitutionem qua modus quidam ponitur his procreationibus, quas sequens ætas prorsus abolevit utiliter in publicum.

III. Interim observandum est non ita generale fuisse eam peccantiam quin aliqui evaserint. Sed ij, fatendum enim est, tam pauci numero fuere, ut ob eam ipsam abstinentiam valde laudati sint à scriptoribus suorum temporum, tantum quia castè, ut decebat, provinciam administraverant. Nam & cò olim processerat corruptela illa malæ consuetudinis ut inventus sit Legatus qui se gloriaret non fuisse gravem provincialiis sanguinique provincialium pepercisse.

IV. Iuvit Legatorum fortunam timor ex potestate eorum, quod solerent cuncta provincialium negotia in se trahere, Concilia celebrare, Episcoporum electionibus semet immiscere eorumque judicia peragere, denique cuncta vertere prout vellent. Ista quidem feliciter ut plurimum cessere; ex eaque felicium eventuum fortuna factum est ut eorum memoria magnam sibi auctoritatem magnosque spiritus in rebus ecclesiasticis & Legati sumerent & Pontifices darent. Fuere tamen ea temporum vicissitudines ut interdum Romanos Pontifices penituerit quod nimis amplam potestatem Legatis suis tribuissent, qui pravo consilio regentes, nam temeritas non est semper felix, Romanum nomen in invidiam adducebant.

V. Inde paulatim abolitus usus frequentium legationum, tum etiam ob contradictionem Principum, qui reverentiam prohibebant exhiberi Legatis qui sibi non essent accepti, aut quorum mandata putabant sibi ac provincialiis esse contraria & infesta. Unde orta consuetudo examinandi eorum facultates antè quam munere suo fungantur in Gallia. Quin & interdum Episcopi detrectabant eorum imperium. Itaque melius ac consultius visum est abstinere à mitendis Legatis quam eos exponere tot procellis

ac tempestatibus. His ita enarratis, descendamus nunc ad rem ipsam, per partes visuri quæ heic dicta in avertisse fuit.

V I. Nullus haecenbus post sancti Bonifacij obitum, ut Sirmondus observat ex Hincmaro, Pippini Regis & Karoli ac Ludovici Imperatorum temporibus Legatus apostolicæ sedis in Gallia aut Germania fuerat. Praefat autem ipsa Hincmari verba referre, ex quibus nonnulla colligi possunt qua valde conducunt ad intelligendam seculi illius disciplinam. Sic ergo loquitur ille in epistola x l i v . cap. xxx. Sancto & venerando viro Bonifacio in Frisia verbum Domini predicante anno incarnationis dominica D C C L I V . martyrio coronato, & simoniacæ heresis pravitate & neophytorum presumptione ac ceteris quibusque pro temporum opportunitate & qualitate compositionis, haecenbus provincia Cisalpina, temporibus Pippini Regis & Karoli ac Ludovici Imperatorum, sine hoc Primicerio vel Primate à sede apostolicæ delegato annos circiter viginti tres manserunt, & Metropolitanis singulis suo jure servato, apostolicæ sedis favore & Principum suorum dispositione secundum sacros canones & decreta ejusdem sancte sedis Pontificum queque fuerunt agenda venerabiles Episcopi per auctoritatem canonum sacrorum & decreta sedis Romanae Pontificum peregerant. Putabar ergo, ut videtur, Hincmarus Metropolitanorum ac reliquorum Episcoporum jura convelli potestatémque deminui cum legatio sedis apostolicæ cuiquam tribuebatur cum jurisdictione.

VII. Extincto itaque Bonifacio, nullus in regno Francorum Legatus apostolicæ sedis fuit per annos nonaginta. Anno demum DCCXLIV. Drog Episcopus Metensis, Karoli Magni filius ex concubina, agre ferens haud dubiè quod primum locum amisisset super Episcopos Gallicanos post mortem Ludovici Pij, quo vivente fuerat sacri Palati Archipellanu, alia ratione putavit proficendum esse dignitati sua, voti porrò compotem se futurum si vicibus apostolicæ sedis ornaret in regno Francorum. Agitasse ista illum puto cum captum consilium est mittendi Romanum Ludovicum filium Lotharij Imperatoris, ut ea pulcherrima occasione usus Regum patruus, vir præterea rerum agendarum pertinacius, & qui vivente Ludovico fratre multum ubique auctoritatis habuerat, à Pontifice Romano, qui tum erat Sergius istius nominis secundus, vicariatum sedis apostolicæ per Cisalpinas provincias acciperet. Extant literæ Sergij II. de vicariatu Drononis, editæ à viro clarissimo Iacobo Sirmondo, ex quibus colligimus Pontificem Drononi commississe cunctas provincias cis Alpes constitutas,

tas, ut Episcoporum per provincias illas constitutorum necessitatibus vice Romani Pontificis subveniret, eorum causas judicaret, Concilia generalia celebraret, denique ut ad eum referretur de omnibus causis quae ubique emergerent, omnium vero provinciaum Conciliorum decreta ad eum mittentur.

VIII. His mandatis instructus Drogo cum rediisset in Galliam, passus contradictionem est ab Episcopis aegre ferentibus eam illi datam esse potestatem quae omnium Metropolitanorum & Episcoporum auctoritatem pessimum daret. Itaque licet praesederet paulo post in Concilio habito ad Theodonis villam, in loco qui dicebatur *Iudicinum*, is tamen honor ei tributus non est ob vices apostolicæ sedis, sed ob nobilitatem ejus. Nam & in titulo ejusdem Concilij scriptum est Drogonem ei praesedisse *consensu corundem Regum*, id est, Lotharij, Ludovici, & Karoli. Præterea conatus istos Drogonis frustra fuisse colligitur ex canone xi. Concilij Verensis & ex epistola XLIV. Hincmari cap. xxx. Sed de toto isto negotio opus non est nos plura dicere, cum illustrissimus Archiepiscopus illud accurate discussus in hoc opere.

IX. Venerunt postea legationes apostoliæ sedis in consuetudinem, non quidem commissa per longum tempus, sed secundum varias quæ emergebant occasiones. Anno DCCCXIIII. à Nicolao primo Papa missi sunt, ut scribit auctor annalium Metenfium, *Hagano & Rodoaldus apostolice sedis Legati in Galliam ad discutiendum causam Lotharij Regis & Valdrada.* Qui in Franciam venientes, pecunia corrupti, magis faverunt iniquitati quam equitati, & immensis ditiis opibus, Romanum regredi suni. Agit etiam de his auctor annalium Bertinianorum, qui Legatos illos fuisse ait Raduoldum Portuensem Episcopum & Ioannem Ficocensem, adnotat autem illos muneribus corruptos, epistolam Domini Apostolici occidentes, nihil de his quæ sibi commendata fuerant egisse, ut autem aliquid viderentur egisse, Guntharium Colonensem Archiepiscopum & Theutgaudum Treverensem Romanum ire iussisse. Ea de causa Rodoaldus depositus est anno sequenti in Romana synodo, ut docent ejusdem Nicolai literæ.

X. Anno DCCCLXV. idem Nicolaus pro eadem causa misit in Galliam Arsenium Hortensem Episcopum & Consiliarium suum. Quod perveniens, inquit auctor annalium Metenfium, tanta auctoritate usus est & potestate ac si idem summus Presul advenisset. Hic rem strenue gessit, neque se frangi sinens

Tom. II.

munerum oblatione neque favore hominum. Testatur istud Adventius Episcopus Metensis ad Papam Nicolauum scribens, ac deplorans quod huic Legato similis non fuerat Rodoaldus. Hæc sunt ejus verba: *Arsenium reverentissimum ac sanctissimum Episcopum Apocrisarum atque fidelissimum Consiliarium a vestro sancto latere Legatum exceperimus, & quæsi angelum Dei gratariter atque inhaanter amplexari faimus, ac pro parte desiderabilis visionis vestre illo uti decrevimus. Extitit enim nobis ex candelabro pontificatus vestri lucerna ardens & lucens, illumque in divinis cultibus atque necessariis Ecclesie negotiis probum cooperatorem ac ferventissimum vestra legationis executorum effigavisi sumus. Excussum enim manus suas ab omni munere, & ut de sacra vestri peitoris fonte potaverat, nobis omnibus equitatis & justitiae exempla propinavit. In hoc epistola Adventij fragmento scripsi executorem, tamenetsi editiones habeant excusatorem, primùm ut sequeremur & sensum epistolæ & admonitionem illustrissimi Cardinalis Baronij, qui executorem reposuit in margine, & quia sciebamus in vetustissimo codice monasterij Moysiæcensis, in quo continentur leges Vvisigothorum, vulgo scribi *excusationem* pro eo quod editiones habent *executionem*. Vnde colligitur certam esse emendationem illam.*

XI. Sed his quæ ait Adventius in laudem Arsenij, nempe illum excusasse manus suas ab omni munere, repugnare videtur auctor annalium Fuldenfium, qui docet illum magnificis muneribus honoratum fuisse à Ludovico Rege Germanicæ & à fratre ejus Karolo Calvo. *Arsenius Episcopus*, inquit, *Nicolaus Papa urbis Romana Legatus ob pacem & concordiam inter Hlodowicum & Karolum fratrem ejus neconon Hlotharium nepotem eorum renovandam atque constituendam missus est in Franciam. Qui apud villam regiam Franconofurt à Hlodowico Rege honorifice suscepitus, & muneribus magnificis honoratus, condicione inter eos Placito de supradicta conventione apud Agrippinam Coloniæ habituro, ad Karolum Règem in Galliam pergit. Illic quoque mirificè à Rege suscepitus, regalibusque donis sublimatus, propter condicuum Placitum Agrippinam, ut diximus, Celeniam venit. Ista, inquam, convellere videntur auctoritatem eorum quæ in commendationem Arsenij scriptis Adventius; nisi si discrimen ponatur inter munera Principum & privatorum hominum, ut illa accipere liceat tanquam è publico, ista attingeras non sit, ne munerum acceptio præjudicet adversus veritatem & justitiam.*

\*\*

R.

*Sic in epistola  
Adriani IV. qas  
edita est infra  
cap. 46. §. 7.*

*Annal. Fruld. 2d.  
an. 845.*